

exercicio os/as aspirantes que obtiveron un mínimo de 10 puntos na segunda proba, fixándose en 30 o número de respuestas correctas para acadar a dita puntuación, unha vez feitas as deducións previstas na citada base da convocatoria.

Sexto.-Realizar os trámites oportunos para publicar as puntuacións obtidas polos/polás aspirantes que se presentaron ao segundo exercicio do proceso selectivo para o ingreso na quenda de promoción interna, no corpo de xestión de administración da Xunta de Galicia, subgrupo A2, no lugar onde se realizou o exercicio, no taboleiro de anuncios do Servizo de Información e Atención á Cidadanía da Consellería de Presidencia, Administracións Públicas e Xustiza, e na páxina web da Xunta de Galicia (www.xunta.es).

Sétimo.-Que de acordo co disposto na base II.1.1.2 da orde da convocatoria, os/as aspirantes poderán presentar as alegacións que consideren oportunas en relación coas puntuacións no prazo de 10 días hábiles contados desde o seguinte ao da publicación desta resolución no *Diario Oficial de Galicia*.

Oitavo.-Os/as aspirantes que superaron o segundo exercicio, disporán dun prazo de dez (10) días hábiles para presentar o documento xustificativo (orixinal ou fotocopia debidamente compulsada) de estar en posesión do Celga 4, ou equivalente debidamente homologado polo órgano competente en materia de política lingüística da Xunta de Galicia (curso de perfeccionamento de galego, de acordo coa disposición adicional segunda da Orde do 16 de xullo de 2007, pola que se regulan os certificados oficiais acreditativos dos niveis de coñecemento da lingua galega, publicada no DOG nº 146, do 30 de xullo), para os efectos da exención prevista no terceiro exercicio. Esta documentación presentarase nas oficinas de rexistro da Xunta de Galicia, oficinas de correos e demais lugares previstos no artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común, e irá dirixida á Consellería de Facenda, Dirección Xeral da Función Pública (edificio administrativo San Caetano. Santiago de Compostela).

Este prazo empezará a contar desde o día seguinte ao da publicación no DOG desta resolución.

En todo caso, na dita documentación xustificativa deberá constar que o aspirante posuía o curso de que se trate no día de finalización do prazo de presentación de solicitudes.

Santiago de Compostela, 27 de maio de 2010.

José Antonio Redondo López
Presidente do tribunal

CONSELLERÍA DE EDUCACIÓN E ORDENACIÓN UNIVERSITARIA

Corrección de errores.-Orde do 18 de maio de 2010 pola que se aproban as bases do concurso público para adjudicación dunha praza de profesor/a de lingua e literatura galegas no colexio Vicente Cañada Blanch de Londres (Reino Unido).

Advertido un erro na devandita orde, publicada no *Diario Oficial de Galicia* nº 97, do martes 25 de maio de 2010, cómpre efectuar a seguinte modificación:

Na páxina 9.301, anexo I, base terceira, punto 3, onde di: «-Nomeamentos e/ou certificacións do director do centro ou centros que acrediten que imparti a materia de lingua e literatura galegas como mínimo durante tres anos»; debe dicir: «-Nomeamentos e/ou certificacións do director do centro ou centros que acrediten que imparti a materia de lingua e literatura galegas como mínimo durante dous anos».

Resolución do 27 de maio de 2010, da Dirección Xeral de Centros e Recursos Humanos, pola que se nomean as comisións de elaboración de informes substitutivos do exercicio B.2 previstas nas ordes do 11 e 16 de marzo de 2010, polas que se convocan procedementos selectivos para ingreso no corpo de mestres e de ingreso e acceso ao corpo de profesores de ensino secundario, profesores de música e artes escénicas e profesores técnicos de formación profesional, así como o procedemento de adquisición de novas especialidades.

Nas ordes do 11 e 16 de marzo de 2010, polas que se convocan procedementos selectivos para ingreso no corpo de mestres e de ingreso e acceso ao corpo de profesores de ensino secundario, profesores de música e artes escénicas e profesores técnicos de formación profesional, así como o procedemento de adquisición de novas especialidades, establecécese que a Dirección Xeral de Centros e Recursos Humanos nomeará as comisións provinciais para a elaboración do informe substitutivo do exercicio B.2 previsto no punto 9.5.

Na súa virtude, esta Dirección Xeral de Centros e Recursos Humanos,

DISPÓN:

Nomear as comisións provinciais de elaboración de informe substitutivo do exercicio B.2 previsto no punto 9.5 das referidas ordes de convocatoria:

-A Coruña:

Presidente: José Antonio Gay García.